



Broj: T18 0 KT 0019090 25
Brčko, 15.06.2026. godine

Optužnica potvrđena dana: 22.06.2026. godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

F.M., rođen.1956. godine u Donjem Zoviku, Brčko Distrikt

Što je:

Dana 13.12.2025. godine, oko 21,00 časova, u mjestu Gornji Zovik, Brčko distrikt BiH, u ugostiteljskom objektu „Century“, u kojem su kao gosti sjedili on i B.L. za šankom, I.F. za stolom, a konobar Z.N. iza šanka, kojom prilikom je između njega i B. došlo do verbalne rasprave, nakon čega je on napustio lokal, odveo se do svoje porodične kuće, gdje je iako svjestan da je građanima zabranjeno nabavljanje, držanje i nošenje bez dozvole oružja kategorije „B“, što je i htio, te protivno članu 7 stav (3) Zakona o oružju i municiji Brčko distrikta BiH, držao pištolj marke „CZ M52“, kalibra 7,62 mm, fabričkog broja Y6272, sa okvirom „CZ M57“, kalibra 7,62 mm, koje oružje se svrstava u oružje kategorije "B" iz člana 6 tačka b) alineja 1) Zakona o oružju i municiji Brčko distrikta BiH, uzeo ga i doveo se ponovo ispred navedenog ugostiteljskog objekta i sa pištoljem u ruci prišao vratima lokala i pokušao ih otvoriti kako bi ušao u unutrašnjost, u čemu ga je B. pokušao spriječiti tako što je desnom nogom blokirao ulaz u objekat, a F. je iako svjestan da pucanjem iz vatrenog oružja može izazvati opasnost za život ljudi i da drugog može tjelesno povrijediti, što je i htio, ispalio jedan metak kroz staklo prozora na ugostiteljskom objektu koji je B. pogodio u lijevu natkoljenicu, usljed čega je zadobio laku tjelesnu povredu u vidu strelne povrede tipa prostrela donjeg dijela lijeve natkoljenice sa ulaznim otvorom straga promjera oko 1x1 cm i izlaznim otvorom sprijeda te rekonstruisanim smjerom pružanja prostrelnog kanala kroz mišićje ovog dijela noge od nazad i desno ka naprijed i lijevo i naizgled vjerovatno nešto nagore,

dakle, pucanjem iz vatrenog oružja izazvao opasnost za život ljudi, drugog lako tjelesno povrijedio i bez važeće isprave nabavio, držao i nosio oružje kategorije B,

čime je učinio krivično djelo – Izazivanje opšte opasnosti – iz člana 317 stav (1) Krivičnog zakona Brčko distrikta BiH u sticaju sa krivičnim djelom – Laka tjelesna povreda – iz člana 170 stav (1) Krivičnog zakona Brčko distrikta BiH i krivičnim djelom – Neovlaštena nabavka, držanje ili prodaja oružja ili bitnih dijelova za oružje – iz člana 65 Zakona o oružju i municiji Brčko distrikta BiH, sve u vezi sa članom 54 Krivičnog zakona Brčko distrikta BiH.

**Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.**
